

Hom.

64

15

4^o Rom.

64^s

Althamer



Eyn Predig

Von dem Teuffel /
Das er alles vn-
glück in der
welt an-
richte.

BIBLIOTHECA
Z REGIA
MONACENSIS

Andreas Althamer.

Gedruckt. M. D. xxxij.



Ein Predig Andree Althamers/von
dem Teüffel/was sein thun/list vnd anschleg
sein/Vnd wieer allain alles vnglück
in der welt anrichte.



Vber die wort Christi/Johannis am. viij.

IK seydt vom vater dem teüffel / vnd nach ewers
vaters lust wölt jr thun/der selbig ist ein mörder
von anfang / vnd ist nicht bestanden in der warheyt/
dañ die warheyt ist nicht in jm. Wenn er die lägen re-
det/so redet er von seinem eygen/dann er ist ein lügner/
vnd ein vater der selbigen.

Weyl vnser lieber Herr Jesus Christus in diesem gegenwertigen
Euangelio/Wie er sunst mermals meldung thut von dem Teüffel/
vnd vns den selbigen hie abmalet/was er sey/vnd was sein thun vnd
seine anschleg seyen/Hab ich mir sitz genommen/vmb der wort Christi
willen von dem selbigen Teüffel auch zupredigen/damit alle Chris-
ten leut/nach dem sie diesen bösen geyst erkant haben/sich wissen vor
seinen listen/gespensten vnd anschlegen deßer Vaser zuhüten.

Vnser Herr Christus gibt hie dem Teüffel zwen namen vnd titel.
Zum ersten hais er in ein mörder/Zum andern nennet er in ein lügner
Dise zwey wöllen wir besehen/wie sie bey dem Teüffel seyen.

Zum ersten spricht der Herr Jesus / er sey ein mörder von anfang/
Darumb so richt er allenthalben mörderey / rauberey / auffthur vnd
todtschleg an/darauff steet sein lust.das er vil menschen vmb bringe
vnd ermorde.vnd dises stückleins hat er sich ye vnd ye beflissen.

Also hat er zum ersten den todt in die welt gebracht / vnd alles menschlich geschlecht dem todt vnterworfen vnd ermödet / Dann Got hat den menschen vnschuldig vnd vnsterblich gemacht / wie auß den Worten des Herrn abzunehmen ist / Welchen tag jr von dem Baum des ertantniß guts vñ böß werdet essen. so werdet jr des todes sterben / Im ersten Buch Mose. ij. Gleich als sprach er / Es sol sunst Cain not haben / jr werdet ewiglich bey dem leben bleyben / wenn jr nicht ungehorsam werdet / das jr von der verpotten frucht esset. Der teuffel aber brachtes mit seinen lügen zuwegen. das der mensch Gottes gepot brach vnd vbertrat. vnd des todes schuldig wurde / Ist also der Sathan bald am anfang ein möder des menschen im Paradiß worden. vnd hat das menschlich geschlecht ermödet vnd in iamer vnd not gebracht. wie Moses im ersten Buch am. ij. vnd. iij. capiteln beschreybt. Darumb auch Salomon im Buch der weysßheyt spricht / Das auß neyd des Teuffels. der todt in die welt sey kumen.

Also hat er nachmals den Cain erweckt. wider seinen Bruder Abel das er in ermödet / Im ersten Buch Mose am. iij. In der ersten Epistel Johannis. ij. Also hat er auch den Corach / Dathan vnd Abysram zur auffrur wider Mosen vnd Aaron erweckt. welche darnach das erdich lebendig verschlände / Im vierden Buch Mose am. xvj. An welcher auffrur vnd verderben der Teuffel schuldig war.

So hat er auch vil mord vnd todeschleg in der wüsten angericht / mit dem gulden kalb / Im andern Buch Mose am. xxxij. fielen auff den selbigen tag drey tausent man mit dem ungehorsam / Im vierden Buch Mose. xi. do das feur die aufersten leger verzeret / mit den feurin schlangen. das ein groß volck in Israel starb. Im vierden Buch Mose. xxi. Mit den Moabitischen töchtern / do sie durch anregung des Teuffels sich mit in vermischeten / Im vierden Buch Mose. 25. das jr vier vnd zweinzig tausent vmb kamen. Wie vil menschen hat er ermödet / vmb der sünde willen die zu Gibeon in Ben Jamin geschach / Im Buch der Richter am. xij. vnd. xx. cap. Was er für morde vnter den Richtern vnd Königen Israel hab gestiftet / wer lang zu erzelen.

Er hat aber nicht allain die frummen ermödet / sunder auch die B
sen / vnd deren vil tausent mer / dan der frummen / dann all sein datum
steet im auff verderben / morden / vñ blutuergießen. Er hat vil frummer
Propheten vnd heyliger leute ermödet. Die Jesabel bracht er dahin /
das sie den frummen heyligen man Elasoth ließ versteinigen / In drit-
ten Buch der Römer am. xxi. cap. Er bewegeret der gleichen den Römer
Joas / das er den frummen Propheten Zacharia / den sun Joiada / ließ
steinigen vnd ermorden. In der andern Epistel zum Corinthern am
xiij. Matthei am. xxiij. Thobie am. iij. hat der Teuffel Asmodeus
genant / der Sara / des Raguelis tochter / sieben misset nach einander
ermödet.

Er hat sich nicht allain an die menschen gericht / sunder an Got Go t r
selbs / an vnsern Herrn Jesum Christum / dem ist er so lang nach ges- er mo
schlichen / biß er die Juden dahin bracht / das sie in ermödet haben
am Creuz / mit dem aller schmachlichsten tode.

Er hat den Judam Ischarioth nicht allain besessen / vnd zu dem
verreter Christi gemacht / sunder auch zum strick / das er sich selbs er-
hencket / trieben,

Im Buch der geschichte der Apostel am. v. hat er Anania vnd sein
weyb Saphyram vmb leyb vnd gut gebracht. Wie vil er sunst mens-
chen ermödet / erhencket / erhencket hat. Kan kein mensch erzelen / man
höret teglich von grewlichen thaten / die alle der Teuffel hat zuge-
richt. da worden etlich tausent erschlagen / da geet ein schiff mit leuten
vnter auff dem meer / da versinckt ein landt / ein Stat / ein doß /
da ersucht sich einer selbs / da erhencket sich einer / da ertrendet sich ei-
ner / da felt einer den hals ab / da thut einer im selbs sunst den todt an.
Dise mord allerichtet der laidig teuffel an / dan er ist ein mörder vnd
hat zur mörderey lust / vñ liebe. Er ist vns feindt. darumß stele er vns
nach leyb vnd leben / Wir bedöffen vns nichts anders zu im ver-
setzen / dann das er auffruer / morden / vnd blutuergießen / wo er kan vnd
mag / werde anrichten / so ferre im Got verhengt. Also spricht auch
Sanct Peter in der ersten Epistel am. v. capitel / Seyd nüchter vnd

wachet/dan ewer widertsacher der teuffel geet vmbher/wie ein brül-
lender Löwe/vnd sucht welchen er verschlinde.

Zum ersten spricht Sanct Peter/das der teuffel vnser widertsacher
vnd feinde sey/vnd nicht vnser freunde vnd gesel/darumb verschönet
er vnser nicht/stellet vns nach leyß vnd leben/des sollen wir vns zu
im verschen/vnd vor im hüten.

Zum andern spricht er/das er auff vnser vnglück vnd verderben
wandel vnd vmbher gee/hungerig sey wie ein löwe/vnd suche/das er
vns verschlinde. Nicht begert er vns ein kleinen schaden zu zufügen/
vnd am gut verlegen/sunder das er vns ganz vnd gar verschlinde/
an seel vnd leyß ermöde. Also wirdt er auch im buch Hiob beschriben
das er im lande vmbher/vnd hin durch gezogen sey/Hiob am. i. vnd
ij. auff der menschen schaden vnd verderben.

Er feyret vnd schlafft noch nicht/er zeucht noch vmb/ja er geet
rings vmb vns her/vnd sucht wen er verschlinde. Er hette gern aber
ein auffthor/das er in vnserm blut badete. Q wol hat er yetzt ein Jar
oder drey so nach gesucht/wol gern het er blutvergiessen vñ mörderey
vnter vns angericht/hat ers nicht auch in diser theuren zeyt gesucht/
so glaubt mir kein wort mer. Er het gerne angericht/das man die
reichen vberfallen het/vnd inen das getrayd mit gewalt genommen
vnd außbeüttet. Er ist ein böser mörderischer schalt/vnd sibet nicht
gern/das es recht in der welt zu geet. Er wißft gern das vnderst zu
oberst/vnd das oberst zu vnderst. Es thut im wee/das es noch so wol
in der welt steet/vnd so vil frids/glücks vnd heyls ist. Vnd wenn im
Got nicht weret/wie bald wurd ers alles vnter ein ander gewoiffen
haben.

Nicht ermöde er allain die menschen/sunder auch das vñbe/vnd
verderbt darzu alles was zu des menschen notturfft dienet/mit ha-
gel/theurung/pestilenz/krieg/verreterey/auffthor ic. Wie er dem
frommen Hiob sein kinder/vnd all sein vñbe erwirget/vnd all sein haß
vnd gut verderbet.

Wie nun der Teuffel ein mörder ist/ Also sind auch alle seine glider vnd kinder mörder/ wie Christus hie zu den Juden sagt/ Ir wölt nach ewers vaters lust thun / Das ist / ir wölt vnd sucht mich auch zu ermorden / wie ewer vater des kinder/ glider/ verwandten ir seydt/ ein mörder ist / vnd nun nach mörderey trachtet. Vnd am buch der Weysßheyte am. iij. capitel / Durchs Teuffels neyd/ ist der todt in die welt kumen. Vnd die seins teyls sind / helfen auch darzu. Das ist/ seine verwandten glider / sind auch todeschleger vnd mörder / Wie auch Sanct Johannes sagt / Wer seinen bruder hasset / der ist ein mörder. Des beschuldigt Sanct Steffan die Goelosen Juden auch Im buch der geschichte der Apostel am. vii. capitel/ welchen Propheeten haben ewer veter nicht verfolget : vnd sie getödet/ die zuuor verkündiget haben die zukünfft des gerechten / welches jr nun Vertreter vnd mörder worden seydt.

Weyl nun alle anschleg/ löst/ practic/ gedancken/ vnd sünemen des Teuffels/ auff blutuergießen vñ mörderey steet/ so nennet in darumb Christus ein mörder/ auff das man in erkenne.

Zum andern/ so heyszt in Christus auch einen lügner/ dann das ist auch des teuffels kunst vnd handwerck eine/ das er leigt vnd trügt/ vnd der lügen auch ein vater/ vrsprung/ anfinger/ vnd ein meyster ist. Dann vor dem teuffel kein lügen in der welt gewesen ist. Er hat die ersten lügen gethan / vnd die lügen geborn / vnd in die welt vnter die menschen bracht/ wie Moses von jm schreibt/ im buch der geschöpff am. iij. capitel/ Das die schlang zum menschen wider Got gelogen vnd gesagt/ Ir werdet mit nichten sterben/ dan Got waiß/ das/ auff welchen tag jr von dem baum essen werdet/ ewre augen reacker werden/ vnd den göttern gleich/ vnd gnts vnd böß wissen/ Mit diser lügen betrog der teuffel den menschen/ vnd darumb heyszt in auch der Herr einen lügner.

Im dritten buch der König am. xxi. Bekent der Teuffel selbs vor der Götlichen Maiesket/ das er ein lügner sey/ so er spricht/ Ich wil außgeen vñ wil ein falscher lügner geyst sein in aller seiner (Ahabes) Propheten mund/ Wie sie dan all vierhundert man lügen/ das er der

N^o 2 234

Ahas König Israel solt Ramoth die stat in Gilead gewinnen. vnd
dise lügen richtet der Teuffel zu.

Matthai am. iii. brauche der lügenhafte Satan / der rechten bus-
ben stück eins / als er Christum vnsern Herrn versuchet / vnd die heyl-
ligen schrifft. die er anzeucht. felschet / zerreysset vnd zertrennet / mit
dem das er aussen leset. was wider in war.

Matthai am. xiii. sagt der Herr. das der böß feinde den samen auß
dem hertzen reysse. das der mensch nit glaube vnd selig werde. sunder
in der lügen bestee vnd verderbe. Das ist auch seiner tück eine.

Am selben ort sagt auch Christus / das der Satan das vnkraut /
vnter den guten samen has gesetzet. das ist lügen. Ketzerey vñ irthums
neben der reynen lere vnd warheyt eingefürt. Das also der teuffel die
Ketzereyen erweckt vnd anfecht. das er den guten samen der heylsas-
men lere erstecke vnd vmb bringe. auff das er nicht auffwache vnd
frucht bringe.

Also schreybt auch Sanct Paulus. das die so die speyß vnd die Le-
verbieten. anhangen den versüßlichen geystern. vñ leren der teuffel ic.
an der ersten Epistel zu Timotheo am. iii. an welchem ort er sein dem
Bapst abmalet / der die Le vnter den Christen den geystlichen ges-
nanten verpoten hat. vnd die speyß. das man in der Fasten. am Frey-
tag vnd Samstag kein fleysch essen sol.

Das in summa alle lügen. irthums. Schwermereyen. vnd falsche
leer. auß dem teuffel entspringen vnd fließen. daß der Teuffel ist ein
lügner. vnd ist in der warheyt nicht bestanden. Wenn er lügen redet.
so redet er von seinem eygen / dann er ist ein lügner. vnd ein vater der
selbigen. Darvmb so felscht er das Göttlich wort wo er kan vnd mag
vnd richtet liegen. triegen vnd versüßten an. das er die ganzen welt ver-
füret. wie Johannes in der heymlichen offenbarung am. xii. anzeigt.

Got hat den teuffel erstlich zu einem guten heyligen vollkommenen
Engel erschaffen. das er die warheyt. welche Got selbst ist. erkennet.
Aber in diser heyligkeyt. warheyt. vnd seiner edeln erschaffung. ist er
nie bestanden. sunder darvon abgewichen. vnd hat im die lügen
lassen lieber sein. dann Gottes warheyt. ist auß einem guten Engel
ein bößer Teuffel worden. Also thun alle Ketzer vnd Schwärmer.
die sind

die sind gewonlich zum ersten bey der warheyt / vnd erkennen das Euangelium / weichen aber von der gesunden heylsamen lere / auff die lügen vnd irthumb / auff ire aygen gedancken / wie wir dann layder zum merern mal erfahren vnd sehen.

Wer nun von Christo abweicht / auff sein aygen werck / wil durch die selbigen selig werden / der ist von der warheyt / auff die lügen gefallen / In der ersten Epistel Johannis am. ii. vnd ist ein lügner.

Die widertauffer sind gewonlich zum ersten bey der warheyt gewesen / aber von der selbigen abgewichen / auff die lügen. Vnd wer von der tauffe redet / das er nicht die sünde abwasche / der ist von der warheyt auff die lügen gefallen.

Des gleichen die andern Schwärmer / haben erslich die reynen lere des Euangelions erkant / haben aber die selbigen verlassen / vnd auff den irthumb gefallen. Dann wer da leugnet / das man den leyß des Herrn Jesu Christi / vnd sein Blut im Abendmal esse vnd trincke / der ist von der warheyt gewichen / vnd auff die lügen getreten. Vnd zu solchen lügen fall vnd irthumb / hilfft der teuffel wayblich / dann er ist der vater darzu.

Vnd dise zwey stück / möden vnd liegen / sind die fürnemesten handel des Teuffels / deren er ein vater vnd meyster ist. Aber weyl im die schrifft noch mer zu giße / wollen wir der selben ein teyl auch erzelen / auff das man sein schalckheyt wol erkenne / vnd wiß zu vermayden.

Zum büthen / richte der teuffel nicht allain morde vnd lügen in der welt an / sunder er stift alles ander vnglück / vßels vnd böses / an seel vnd leyß / Er ist ein verführer der ganzen welt / Im buch der heymlichen offenbarung am. xii. Er ist ein vater vnd stifter alles bösen / Er plagt vnd peyniget den menschen von innen vnd von aussen / vñ haißt auch der böse / Im ersten buch Samuelis. xvi. vnd. xviij. treybe der böse geyst den König Saul / viler weyß wider den frumen David 2. ioh. ii. Schlecht vnd plagt er den frumen 2. ioh. ieremlicher weyß /

von der fußsolen an bis an die scheytel / das er auch von seinem eygen
weyß kein frid vnd ruhe hat. Im andern buch Samuelis. xj. vnd. xij.
treyst er den frommen Dauid zu grosser sündt / Lebruch vnd mörderey.
Vnd darnach im andern buch Samuelis am. xxiij. bewegt der Sa-
tan in zu hoffart / das er das volck ließ zelen / wie dan im ersten buch
der Chronica am. xvij. lauter anzeygt wirdt. Matthei am. iij. Ver-
suchet er vnsern Herrn Jesum Christum mancherley weyß. Matthei
am. xij. Sect er vnkraut vnter guten samen / das ist er erweckt neyd
vnd haß / zwoitragt vñ widerwertigkeyt vnter den menschen / richtet
zertrennung vnd absunderung an. Vnd wie Got ein Got des frids /
also ist der Satan des vnfrids. Marci. i. Keyffet der vnsauber geyst
einen besessenen menschen iemerlich. Marci am. ix. Macht er einen
menschen sprachlos / vnd wenn er in erwischet / so reyst er in / das er
auff die erden fiel / vnd walget vnd scheromet / vnd warff in oft in
das feur / vnd in das wasser / das er in vmb brecht. Das wer sein lust.
Luce am. viij. lesen wir von einem besessenen menschen / dabey ein Le-
gion Teuffel war / die von im aufgetrieben wurden / vnd in die sero-
furen bey welchen wir des Teuffels neyd vnd haß / liebe vnd willen
gegen vns wol mögen spüren / das er vns so mancherley weyß an-
greyst vnd plagt. Luce am. xij. hat er ein weyß achtzehen jar krumß
vnd lamß gemacht / das sie nicht wol kunde auffsehen. Ja wen Got
dem Teuffel nicht weret / es solt vnser kainer auffrichtig sein / wir
müßten lang an allen gliedern erlamet sein. Luce. xxij. Sagt der Herr
Jesum zu seinen jüngern. Simon Simon / sihe der Satanas hat ewer
begerdt / das er euch möcht reüttern / wie den weytzen. Also hat er
Petrum vberwunden / das er Christum den Herrn verleugnet / Vnd
den Judam zur verreterey vñ strang / In der andern zun Corinthern
am. ij. spricht Sanct Paulus / das er an Christus stat vmb der Corin-
ther willen vergeße dem sündt / den er zuvor in bann het gethan. In
der ersten zun Corinthern am. v. auff das wir nicht vberforteylet wer-
den vom Satan / dan vns ist nicht vnberuost / was er im syn hat / Er
mainet der Satan sehe gern / das wir dem armen sündt zuhert vnd
vnbarhertzig weren / das er verzweyfflet. In der andern zun Cor-
inthern am. xi. Sagt Sanct Paulus / das sich der Sathan verstelle
in ein Engel des liechts. Das er sein schalckeyt höfflich wol verber-

gen vnd zu decken künde, das man seine tück nit sehe. Er machte der
lügen vnd mörderey einen solchen schein, das man mainet er sey ein
Engel, vnd sein thun sey gulden, recht, vnd die warheyt. Et hat sich
im Bapstum mit dem Ablass krom mit den Messen, Jartagen,
weichwasser, in ein Engel des liechtes verwandlet, wer het gemaint
das ein Teuffel sich in ein Engel verwandelt het. Vnd solch schein-
barlich ding der Bepfler, ein mittag Teuffel gewesen were. Wenn
wir solchs nit auß dem wort Gottes gelert hetten, wie er sich dann
auch bey etlichen Bischoffen vnd Gotlosen Fürsten schmückt, die
das Euangelium verfolgen, als ein newe auffrührische lere. Vnd die
frommen Christen, als versörer vnd auffrörer tödten, vnd sagen, dise
newe lere, hat kein Concilium, kein Bapst, kein gemeyne Kirch
angenommen vnd bestetigt, darumb ist sie nicht recht. Wie er sich ver-
settel in ein Engel des liechtes zu der zeyt der Perorschen auffrur, als
wölte er das Euangelium verthedingen vnd erhalten. Er siengs mit
einem grossen schein an, ließ sich nicht mercken, als wers ein Teuffel
in ein Engel des liechtes verwandelt, wie er sich in den widertauffern
vnd andern Schwärmern versetlet, als bringen sie die lautern war-
heyt herfür, Ja es ist vnmöglich zuschreyben, wie der Teuffel sich
so wol verwandeln künde.

In der andern Epistel zum Corinthern, vii. schreybt Sanct Pau-
lus, das im geben sey ein psal ins fleisch, nemlich des Satans En-
gel, das er in mit feusten schlage, das ist, das er greulicher weyß vom
Teuffel angefochten vnd erschieckt sey worden.

Hat der Teuffel diser heyligen leut, Christi des Herrn Pauli, Petri
nit verschonet, vnd het sie gern herunter gerissen vnd ermödet, so be-
düssen wir vns nicht anders versehen, dann das er vns auch nach-
stelle. Er veriert vns mit allain von aussen, sunder nach vil mer von
innen, da versucht er vns zu vnglauben, verzweyfflung, Goteste-
rung, hoffart, neyd, haß, vnreynigkeyt, geytz, zorn, freßerey, trigen
vnd liegen, das wir vns arges fürnemen, vnd gedencen den sünden
nach, wie wir sie mit der that volbringen. Vnmöglich ist, das einer
all seine schalckeyt könne erzelen vnd aussprechen. Er ist ein listiger
verschlagner geyst, der vns auff tausenterley weyß versuche vnd an-
gryffe, dann er ist vnd haist ein versucher, wie in der Euangelist

Matthaus am. iiij. vnd Sanct Paulus in der ersten zu Thessalo-
nichern am. iiij. nemmet.

In der andern Epistel zu Timotheo am. ij. bekent der Apostel das
der Teuffel die widerspenstigen gefangen halt an stricken / nach sei-
nens willen. Darumb macht ers auch mit den Goelosen selzam vñ
wunderlich / vnd laßt jnen keinen frid / treybt vnd beweget sie wie ein
vngestüm in er.

In der ersten Epistel zu Thessalonichern am. ij. schreybt der heyl-
lig S. Paulus / das er zwey mal haß zu den Thessalonichern wöllen
rayßen / haß aber der Satan allweg verhindert. Wie ich dann acht-
das er auch sein rayß gen Rom haß verhindert / dauon er meldung
thut. zu Römern am. i. vnd. xv. Bey disen worten künden wir nun
wol verstee vnd abnemen / das der Satan ein verhinderer sey alles
gutes / vnd nicht allain arges thu vnd stift / sonder alles guts were
vnd verhindere. Mancher mensch thet offft vil mer guts / weñ er nit
von dem Teuffel verhindert wurde.

Warumb betet man yetzund so wenig in der Kirchen vnd sunst
dañ das es der teuffel hindert. daß das gepet thut im grossen schaden
Das gepet zeygt an / das wir vom Teuffel abweichen / vnd zu Got
fliehen. Got für vnserm heyland. beschürmer. trost vnd gehülffen ers
kennen / das thut dem Teuffel recht wee / vnd wölts gern hindern.
Wenn gleich mancher andechtiglich ansecht zu beten / vnd es gut
vnd ernstlich mainet. so wirfft im der Teuffel doch eins drein. das er
seiner andacht vergift. vnd mit dem munde betet. das hertz aber an-
derswo ist. Mancher gieng vil mer zur predig. zu dem heyligen Got-
lichen wort. weñ er nit von dem teuffel verhindert wurde. Warumb
gengt so wenig menschen zu dem Tisch des Herrn. das sie vom Sa-
tan verhindert werden. daß es thut im wee. wo einem Christen mens-
chen ein gutthat zu steet. Darumb auch Christus selber sagt. das der
Teuffel den guten samen / das ist das heylig Götlich wort / auff der
menschen hertzen reysse. auff das sie nicht glauben vnd selig werden
Luce am. viij.

In Summa. der Teuffel thut eben nach seinem namen. Er haßt
Satan. das ist. ein widerwertiger. widersacher. das er alwegen Got

vnd den seinen widerwertig ist. Die Rriechen hayssen Diabolon, das
heißt ein lesterer oder schender, das er Gottes wort vnd werck lester
vnd schendt/ vnd nichts vngethahelt/ vnberaffelt/ vngeschendt vnd
geschmecht hin laßt/ alwegen wider Got strebt/ wie der Herr selbs
sagt/ Wer nicht mit mir ist/ der ist wider mich/ Vnd wer nicht mit
mir samlet/ der zerstreuet/ Der Satan helets nit mit vnserm Herrn
Jesu Christo/ Er samlet nit mit jm/ darumb ist er wider jm/ vnd zer-
streuet/ verderbet/ schendt vnd veriagt/ wie er dann yetzund vil treff-
licher Euangelischer Prediger teglich veriagt vnd zerstreuet. Er ist
auch nicht eins geringen gewalts/ dann Christus nennet jm selbs ein
Fürsten diser welt/ hat derhalben so ein grossen gewaltigen anhang
von geysstlich genanten vñ weltlichen/ die jm alle helffen zerstreuen/
lestern/ vnd wider Got streben.

Das sol aber vnser trost sein/ das diser Bößwicht/ wie gewaltig vñ
mechtig er sunst ist/ doch wider vns nichts vermag/ darzu auch nit
ferner vermag/ dann jm Got vnser hymelischer vater verhenge/ der
helt vber vns/ der schütze vnd beschirmt vns/ durch seine heylige lie-
be Engel/ wie dann der xxxiii. Psalm anzeygt. Der Engel des Her-
ren lagert sich vmb die her/ so Got söchten vnd hilfft inen auß. Des
gleichen der xxi. Psalm/ Er hat seinen Engeln Befolhen vber dir/ das
sie dich behüten auff allen deinen wegen ic. Darumb müssen wir Be-
eten mit dem heyligen Paulo/ zun Römern am xvi. das der Got des
frieds zutrette/ dem Sathan vnter vnser süß in kurgem/ Amen. Dann
wenn Got nicht durch seine heylige Engel vns behütet/ es het vns
der teuffel lengst erwürget/ oder die Gotlosen mit den zenen zurrissen
Dañ sie sperren iren rachen weyt auff/ wie der cxliii. Psalm von inen
sagt/ Vnd sie nemens inen grausam für/ wie sie mit vns vmb wol-
len geen/ der Satan scheint inen zun augen heraus/ aber die lieben En-
gel beschirmen vns/ das wissen wir/ vnd erfaren auch wol/ vnd des
trösten wir vns auch/ vnd lassen den Teuffel vnd die seinen die zeen
plecken/ toben vnd wüthen biß sie müdt werden.

Weyl dann der Teuffel also ein giftiger/ schedlicher/ verlogner/
mörderischer geyst ist so vermanet vns die heylig schrifft/ das wir jm
B iiij

widersteen sollen, vnd in sein lust/gespenst/ ansechtung vñ versuchen
nit verwilligen/ wie man jm aber widersteen möge/ das leret Sanct
Peter/ so er spricht/ Seyd nüchter vnd wachet/ dan ewer widerfacher
der Teuffel/ geet vmbher/ wie ein brüllender löwe/ vnd sucht wen er
verschlinde. Dem widersteet feste im glauben. Er spricht nicht lasset
euch Messen für den Teuffel vnd sein gespenst lesen/ oder besprenge
euch mit weichwasser/ oder zündet in ein gewechtes liecht an/ oder
hencket Sanct Johannes Euangelium an hals/ wie die Papisten
lernen vnd predigen/ sunder widersteet jm feste im glauben. Der glau-
ben muß thun/ vnd nit der weichsprun/ Der glauben vnd vertragen
an Got durch Jesum Christum/ wie auch Sanct Paulus zun Ephe-
sern am. vi. leret/ Seyd vmbgürt vnd angelege mit den waffen Got-
tes. Gleich als sprach er/ Ir habt ein gewaltigen feinde/ der sich mit
keinem leyblichen waffen leßt schlagen vnd vertreysen/ Darumb
müß jr Gottes harnisch vnd waffen ergreyffen. Zum ersten/ Seyd
vmbgürtet vmb ewre lenden mit der warheyt. Zum andern angezo-
gen mit dem kreß der gerechtigkeit. Zum driten/ gestiffelt an füßen
mit dem Euangelio des frids. Zum vierden/ so ergreyffend vor allen
dingen den schilt des glaubens/ mit welchem jr außleschen kund alle
feurige pfeyle des bößwichts. Zum fünfften/ nembt den helm des
heyls. Zum sechsten/ das schwerdt des geysts/ welches ist das wort
Gottes. Zum sibenden/ betet stets in allem anligen. Mit disen sibem
waffen leret Paulus die Christen streyten/ wider den teuffel/ vñ glau-
bet mir fürwar/ dise gewinnen jm allain ab/ sunst wirstu in nit iber-
winden.

Darumb meine außserwelten laßt vns Got anruffen vnd bitten/
das er vns dise waffen geben wölle/ das wir wider seinen vnd vnsern
feinde ritterlich nißgen kempffen/ vnd durch sein hilff obligen/ das
wir die kron empfangen/ vnd mit jm das ewige leben besitzen/ Amen.
Das verleyhe vns Got.



Laßt vns Got bitten u.



















